

## Uvodna riječ

**Adisa Žero**

predsjednica Asocijacije BAM-a  
adisa.zero@nub.ba

Poštovani učesnici, cijenjene kolege i dragi prijatelji!

Izuzetna mi je čast i zadovoljstvo obratiti vam se povodom objavljivanja zbornika radova s konferencije pod nazivom “Evropske smjernice za saradnju biblioteka, arhiva i muzeja: Baštinske institucije u (post)digitalnom dobu”. Ova značajna konferencija održana je 3. i 4. oktobra 2024. godine u Sarajevu, u Historijskom muzeju Bosne i Hercegovine.

Konferencija je okupila stručnjake iz različitih oblasti kulturne baštine – biblioteka, muzeja i arhiva – s ciljem zajedničkog promišljanja o izazovima, mogućnostima i rješenjima koje pred nas stavlja ubrzana digitalizacija i tehnološke inovacije. Poseban fokus bio je na pitanjima kako naše institucije mogu ostati relevantne u postdigitalnom dobu, gdje tehnologija ne samo da podržava naš rad već ga u potpunosti preobražava.

Nalazimo se u vremenu kada digitalne tehnologije predstavljaju osnovu rada naših institucija, omogućavajući nam širenje dometa, povezivanje s novim publikama i postavljanje ključnih pitanja o očuvanju, autentičnosti i dostupnosti kulturnog naslijeđa. Ove promjene zahtijevaju ne samo prilagođavanje već i kreativno promišljanje o budućnosti naših baštinskih institucija.

Posebno me raduje što je kroz ovu konferenciju pružena prilika za razmjenu znanja i iskustava, predstavljanje inovativnih projekata i otvaranje novih perspektiva saradnje. Zahvaljujemo se posebno autorima i učesnicima iz

regiona, čije je prisustvo i doprinos obogatilo konferenciju i naglasilo njen internacionalni karakter. Zbornik radova koji imate pred sobom svjedoči o našoj zajedničkoj posvećenosti unapređenju rada institucija kulturne baštine u savremenom dobu.

Iskreno zahvaljujem svim učesnicima, autorima radova, predavačima i članovima Organizacionog i Programskog odbora, čiji su trud i predanost omogućili uspješnu realizaciju ove konferencije. Također, posebna zahvalnost ide domaćinima u Historijskom muzeju Bosne i Hercegovine u Sarajevu, koji su nas srdačno ugostili i podržali.

Vjerujem da će ovaj zbornik radova inspirisati nove projekte, saradnje i istraživanja te doprinijeti očuvanju i promociji kulturne baštine u digitalnom i postdigitalnom dobu.

Mr. Adisa Žero  
Predsjednica Asocijacije BAM-a